



**Napparsimasumut qanigisaasup  
angalanermi ingiallortaanerani  
anigaarsartuutinik matussusiineq**

Kalaallit Nunaanni Peqqinnissaqarfik  
Det Grønlandske Sundhedsvæsen



Quppersakkami matumani, pissutsit immikkut ittut tunngavigalugit napparsimasumut qanigisaasutut ingjallortasut angalanerannut, najugaqarnerannut nerisaqarnerannullu aningaasartuutit nunatsinni Peqqinnissaqarfimmit matussuserneqartarnerat nassuiarneqarpoq.

Aningaasartuutit angallassinermi pineqartumi qanigisaasup ilaanerani taamaallaat matussuserneqartarput.

Sulinermi isertitassaagaluatut annaasat matussuserneqarneq ajorput.

Aningaasartuutit peqqinnissaqarfimmit matussuserneqanngitsut najukkami kommunimut qinnutigineqarsinnaapput.



### Napparsimasumut 18-ileereersumut qanigisaasut:

- Tassanngaannaq inuunermut navianaatilimmik napparsimalernermi
  - Pissutsit qanoq innerat apeqqutaalluni napparsimasoq qanigisaasumit ataatsimit ingjallorneqarsinnaavoq
  - Napparsimasup pinasuartumik nakorsartariaarunnissaata inuuneratalu navianartorsiorunnaarnissaata tungaanut qanigisaasup najugaqarnermut nerisaqarnermullu aningaasartuutai matussuserneqarsinnaapput
  - Taamaammat napparsimasoq pinasuartumik nakorsartariaaruppat inuuneralu navianartorsiorunnaarpat, najugaqarnermut nerisaqarnermullu aningaasartuutit qanigisaasup nammineq matussusertussaassavai
  - Angerlamut angalaneq Peqqinnissaqarfimmit akilerneqassaaq immikkullu isumaqatigiissuteqarnikkut immaqa kinguartinneqarsinnaalluni.
- Naartusut najukkamik avataanni ernisussat
  - Qanigisaasunut aningaasartuutit Peqqinnissaqarfimmit matussuserneqarsinnaanngillat.
- Marlulereernermi najukkamut uterluni angalaneq
  - Anaanaasoq angerlamut angalanerme meeqqanik paarsinissamut qanigisaasumit ikiorneqassaaq
  - Qanigisaasup taassuma angalaneranut, najugaqarneranut nerisaqarneranullu aningaasartuutit Peqqinnissaqarfimmit akilerneqassapput.
- Meeqqat mikisut arnaata nakorsartinnerani qanigisaasutut ilaasut
  - Nakorsartittussat meeraat suli ukioqalinngitsut, nakorsap naliliinera naapertorlugu nakorsartinnissamut nakorsartiffissamilu pissutsinut tunngatillugu taamaaliortoqarsinnaappat, anaanartik ilagisinnaavaat.
  - Meeqqamik paarsinissaq imal. nammineq paarsisussarsinissaq anaanaasup akisussaaffigaa
  - Meeqqap najugaqarneranut, nerisaqarneranut angalaneranullu aningaasartuutit Peqqinnissaqarfimmit matussuserneqassapput.

### Napparsimasumut 18-iliisimanngitsumut qanigisaasut:

- Meeqqat 15-iliisimanngitsut qanigisaasumit inersimasumit ingjallorneqarnissaq pisinnaatitaaffigaa
  - Qanigisaasup taassuma angalaneranut, najugaqarneranut nerisaqarneranullu aningaasartuutit Peqqinnissaqarfimmit akilerneqassapput.
- Meeqqat 15-it 18-illu akornanni ukiullit nakorsap akisussaasup isumaa naapertorlugu qanigisaasumit ingjallorneqartariallit, inersimasumik ingjallorneqarnissaq pisinnaatitaaffigisinnaavaat,
  - Qanigisaasup taassuma angalaneranut, najugaqarneranut nerisaqarneranullu aningaasartuutit Peqqinnissaqarfimmit akilerneqassapput.





Kalaallit Nunaanni  
Peqqinnissaqarfik

[www.peqqik.gl](http://www.peqqik.gl)

Kalaallit Nunaanni Peqqinnissaqarfik  
Det Grønlandske Sundhedsvæsen

